

Hindiston Elchixonasi

Toshkent

MATBUOT XABARI

Toshkentdagi Hindiston-O'zbekiston tadbirkorligini rivojlantirish markazida Hindiston tashqi ishlar vaziri doktor S. Jayshankar boshchiligidagi yangi IT laboratoriya ochildi

Hindiston tashqi ishlar vaziri doktor S. Jayshankar janoblari boshchiligidagi, O'zbekiston Respublikasi Savdo-sanoat palatasi raisi janob Adham Ikromov ishtirokida Hindiston hukumatining O'zbekiston savdo-sanoat palatasiga ko'rsatgan moliyaviy yordami asosida 2021-yil 15-iyul kuni Hindiston-O'zbekiston tadbirkorligini rivojlantirish markazida yangi IT laboratoriya ochildi.

Markazga o'rnatilgan Hindistondan olib kelingan so'nggi IT-uskunalar ushbu markazda darslarni o'tkazish, laboratoriyalardagi loyihalar ustida ishlash, inkubatsiya va O'zbekistondagi mintaqaviy tadbirkorlik markazlari bilan virtual aloqalarni o'rnatishda faol qo'llanadi.

Hindiston-O'zbekiston tadbirkorligini rivojlantirish markazi Hindiston hukumatining moliyaviy yordami va Hindistonning Ahmedabad shahridagi Tadbirkorlikni rivojlantirish institutining texnik ko'magi asosida 2018-yilda Toshkent shahrida barpo etilgan. Markazning doimiy direktori ham Hindistondan yuborilgan bo'lib, u 2020-yil dekabridan boshlab faoliyat yuritib kelmoqda.

Doktor S. Jayshankar janoblari mamnuniyat bilan ta'kidlaganidek, Hindiston-O'zbekiston tadbirkorligini rivojlantirish markazi O'zbekistonning yosh tadbirkorlari uchun turli xil kurslarni o'tkazib kelmoqda. O'zbekiston Respublikasi Prezidenti Shavkat Mirziyoyev janobi oliylari ham 2021 yilni O'zbekistonda "Yoshlar yili" deb e'lon qildi va bu yo'nalishda ham tadbirkorlikni rivojlantirish markazi o'z hissasini qo'shmoqda. Yoshlarning malakasini oshirish, ish bilan ta'minlash va biznesni rivojlantirish

ushbu markaz faoliyatining muhim natijalaridan biridir. Doktor S Jayshankar janoblari markazning muvaffaqiyatli faoliyatini ta'kidlab o'tgan holda, yangi ochilgan IT laboratoriyasi ushbu jarayonda qo'shimcha yordam berishiga katta ishonch bildirdi.

O'zbekiston Savdo-sanoat palatasi raisi Adham Ikromov Hindiston hukumatiga Hindiston va O'zbekiston o'rtasidagi rivojlanib borayotgan hamkorlik uchun minnatdorchilik bildirdi.

Ta'kidlash joizki, Hindiston bosh vaziri janob Narendra Modining 2015 va 2016-yillardagi O'zbekistonga qilgan tashriflari hamda Shavkat Mirziyoyev janobi oliylarining 2018 va 2019-yillardagi Hindistonga qilgan tashriflaridan so'ng Hindiston va O'zbekiston o'rtasidagi strategik sheriklik yanada mustahkamlandi. 2020-yil dekabr oyida bo'lib o'tgan ikki davlat rahbarlarining "Virtual Sammiti" davomida Hindiston Bosh vaziri Hindiston rivojlanish sohasida O'zbekistonning kuchli va ishonchli sherigiga aylanganini ta'kidlagan edi. Hindiston-O'zbekiston tadbirkorligini rivojlantirish markazida ochilgan yangi IT laboratoriyasining ochilishi bu yo'nalishdagi yana bir shiddatli qadamdir.

Toshkent

15-iyul 2021-yil
